

МУБОРАК БЎЛСИН!

Куз фаслининг охирги ойи бошланди. Қиши келишига ҳам оз қолди. Энди йўллар сирпанчиқ бўлиб, музлайди. Бундай ҳолларда кўнгилсиз ҳодисалар содир бўлишини олдини олиш учун йўлсозлар ҳар қандай об-ҳаво шароитида вазифаларини бажарадилар. Албатта бу ишлар кўпроқ қўл кучи билан бажариларди. Республика автойўл қўмитаси томонидан тумандаги амалга оширилаётган ишларни яхшилаш учун туман йўллардан фойдаланиш унитар корхонасига бугун барча қулийликларга эга «Камаз» автомашинаси топширилди.

Туман ҳокими Дилшоджон Джалилов, ҳоким ўринбосарлари, маҳалла раислари иштироқида автомобиль калити эгаларига топширилди. Ушбу русумдаги „Камаз“ ҳозирги кунда вилоят бўйича 6 та туманда мавжуд. Автомобилни имкониятларига тўхталадиган бўлсак: қор суради, тозалайди, музламага қарши туз, қум сепади, маҳсус мослама билан йўлларни супуради ҳамда сув сепади. Албатта бундай имкониятларга эга машинанинг нархи 1млрд. 262 миллион сўмни ташкил этади.

Барча қилинаётган ишлар халқ манфаати учун хизмат қиласди. Янги автомобиллар муборак бўлсин!

ЁЗЁВОН ТУМАНИ ҲОКИМЛИГИ АХБОРОТ ХИЗМАТИ

2022-11-02 08:43:59